

241  
IN NOMINE JESU CHRISTI!  
PIA CONSIDERATIO  
DE

ULTIMO JESU  
CHRISTI JUDICIS  
ADVENTU

Quam  
SUB PRÆSIDIO  
VIRI PLURIMUM REVERENDI, AMPLISSIMI  
ATQUE EXCELLENTISSIMI

DN. ABRAHAM CALOVII,  
SS. TH. D. EJUSDEMQUE PROF. PUBLICI  
ELECTORALIUM ALUMNORUM EPHORI, CONSISTO-  
RII ECCLESIASTICI ADSESSORIS, CIRCULI-  
QUE ELECTOR. SUPERINTENDEN-  
TIS GENERALIS.

*Publico Eruditorum examini subjicit*

M. JOHANNES FABRICIUS,

Brandenburgo - Marchicus.

*In Auditorio Majori die Octobris.*

---

WITTEBERGÆ

Literis exscribebat Johannes Röhnerus, Acad. Typogr.

M. DC. LII.

Coll. diss. A  
155, 7

241. A. 155 (7)

5. XI. 29



Handwritten text, mostly illegible due to fading and bleed-through. Visible words include "M. JOHANNES FABRICIUS" and "PUBLIUM".



WITZBERGER  
Handwritten text at the bottom of the page, including the name "WITZBERGER" and "M. D. LII".





## ΠΡΟΑΥΛΙΟΝ.



Sancta ut omnia sunt

pietatis & religionis capita, ita mysterium de glorioso Christi ad iudicium adventu non nisi sanctissimum est censendum.

*Sancta est ejus promissio.* Licet enim Epicuræ & Empæ hunc salvatoris nostri adventum in dubium vocent, ut legimus. *II. Pet: III 4. Ubi nunc promissio adventus ejus?* tamen & certissimus & sanctissimus ille est futurus. Non enim dicit gratia trina (quæ alias perfectæ correspondet) assertione hunc suum Adventum confirmare voluit, in ultimo totius codicis Biblici capite, sed summam hujus adventus certitudinem aperire omnibus studuit. Nam *Apoc: XXI 7.* dicit: *Et ecce, venio velociter.* Deinde *v. 12* *Ecce venio cito.* Denique *v. 20.* *Dicit, qui testimonium perhibet istorum: Etiam venio cito. Amen.* Cui etiam fidelis anima firmam adhibet fidem, adjiciens: *Etiam veni Domine Jesu.* Et ne quis ullam de adventu ipso moveret controversiam, an adventus in carnem, an in corda, an ad iudicium sit intelligendus, addit *v. 12.* *Ecce venio cito; & merces mea mecum est reddere unicuique secundum opera sua.* Apertis his verbis adventum ad iudicium determinat, & omnem dubitationis litem dijudicat. *Sancta est ejus institutio,* quia Deus, qui *Sanctus, Sanctus, Sanctus est.* *Esa: VI. 3.* *statuit diem, in quo iudicaturus est orbem in equitate, in vivo, in quo statuit Act: XVII. 31.* *Sancta est iudicis descriptio,* quia is futurus est *Sanctus Sanctorum Dan: IX. 24.* *Sancta etiam est ejus in hominibus operatio.* Vera enim iudicii consideratio, est carnalis concupiscentiæ sublatio. Id quod suo edoctus exemplo fatetur *Augustinus l. VI. Confess. c. 6.* *Non, inquit, me*



revocabat à profundiore carnalium voluptatum gurgite, nisi me-  
tus mortis & futuri iudicii: Unde hoc omnibus salutare præ-  
scripsit monitum Ep. 3. *semper ante oculos versetur ultimus dies,*  
*ita facillimè poterimus corpus nostrum à vitiis & concupiscentiis*  
*refrenare.* Cum ergo semper adventus hujus adjudicium me-  
ditatio sit instituenda, cum ex symbolo Apostolico doctrina  
de gloriosissimo Christi reditu quotidie omnibus Christianis sit  
repetenda, nos nec à scopo, nec ab officio aberramus, qui my-  
sterium hoc præsentis tempore explicamus. Et præsertim, cum  
*de Adventu Christi in carnem,* itemq; *de adventu Christi in cor-*  
*da* alio tempore jam sit actum, tertius adhuc, qui *ad iudicium*  
dicitur, restare videtur. Rem ergo congruam tempori, con-  
gruam ordini, congruam etiam studiis nostris facimus, dum  
hunc ultimum Christi adventum exponimus. Ne tamen di-  
sputationem ἀκρίβειαν καὶ ἀμέθοδον καὶ ἀγροίκον προπονη-  
mus, ipsum Christi adventum ad nos & in nostram mentem ex  
*Apoc: XXII 20.* & nobis exoramus: *Etiam Veni Domine Jesu.*  
*Gratia Domini nostri Jesu Christi sit cum nostro spiritu, cum nostro*  
*intellectu, cum nostro calamo, cum nostra lingua, imò cum omnibus*  
*nobis. Amen.*

I. De adventu Christi ad iudicium acturi ὀνοματολογία  
primo, πραγματολογία postremo loco ponimus. *Illa verba,*  
*hec προφύματα* explicat. *Illa materiam, hec formam compre-*  
*hendit.* Ut enim res significata, formæ, ita vox significationem  
recipiens materiæ habet respectum, neutra tamen negligenda  
pars est, sed utraque exponenda. Parat *illa* aditum, tradit *hec*  
omne contentum. *Illa* confusam, *hec* distinctam offert & af-  
fert cognitionem.

II. Ονοματολογία tria omnium consensu complectitur, ni-  
mirum (1) ἐτυμολογίαν, ὀμάνυμίαν & συνωνυμίαν. Quoad *Ety-*  
*mologiam* nulla hic est difficultas, sed omnium verborum ma-  
gna facilitas, magna perspicuitas. *Dicitur adventus ab adven-*  
*tũ,* quod est supinum verbi ad venio, sicut accessus ab accessum,  
notatq; *advenientis actum,* E. g. Adventus Regis vel principis:  
Adventus Patris vel Præceptoris. *Deinde Christus* vox Græca  
est; & derivatur non ἀχράομα, ut quidam ex antiquioribus sta-  
tue-



tuerunt. Licet enim Christus omnibus hominibus utilis & salutaris fuerit suo *adventu primo*, dum omne consilium Dei nobis revelavit, omnesque homines non tantum ad salutem informavit, sed etiam suam acerbissimam passionem & mortem a peccatis, morte, legis maledictione & aeterna condemnatione redemit: omnibus etiam suo *adventu secundo* adhuc salutaris sit, qui scilicet ipsum recipiunt, dum corda ipsorum regenerat, vivificat & ad aeternam salutem conservat: omnibus etiam fidelibus *adventu suo ultimo* vere salutaris futurus sit, quibus omnia in Adamo amissa restituet, eosque post tam diuturnas hujus mundi calamitates aqua vitae & caelesti manna reficiet: tamen cum in Graeco non scribatur  $\chi\rho\nu\sigma\omicron\varsigma$ , sed  $\chi\rho\iota\sigma\omicron\varsigma$ , non a  $\chi\rho\alpha\iota\omicron\mu\alpha\iota$ , sed a  $\chi\rho\iota\omega$  dicitur, quia ipse unxit activè secundum divinitatem carnem suam in utero B. Virginis Mariae assumptam omni plenitudine Deitatis, quae verè in humana ejus naturam habitat Col: II. 9. Deinde quia secundum humanam naturam unctus est passivè infinitis & verè divinis donis præter mensuram Joh: III. 35. & oleo lætitiæ Psal. XLV. 8. h. e. ipso Spiritu S. Tandem quia omnes Christianos ungit etiam effectivè, ita ut omnes ex ejus plenitudine accipiant gratiam pro gratia Joh. I. 16. *Postremo iudicium dicitur quasi iudicium*, a dicendo jure: iudicis siquidem officium est secundum leges & juris præscripta dicere & ferre sententiam.

III. Homonymiam ut evolvamus, de singulis etiam vocabulis aliquid allegamus. *Vox adventus* sumitur, (1) *in sensu grammatico*, pro quolibet accessu, non habito respectu ad certum subiectum. Tribuitur enim Deo, sic Deus venit ad Abrahamum Gen. XVIII. 1. Item Angelis: ita Gabriel venit ad Mariam Luc: I. 28. Tribuitur etiam hominibus, bestiis, aliisque rebus. (2) *in sensu Ecclesiastico*, pro tempore certo antiquitus ante Nativitatis Festum instituto, ubi quidem habetur respectus subiecti, sed non attenditur certum objectum. Agitur enim hisce diebus de certo quidem adventu respectu subiecti, nimirum de Adventu Christi, sed non determinatur vel ad primum, vel ad secundum, vel ad tertium, quia Christiani de omnibus ex verbo Dei simul informantur (3) *in sensu Theologico*, ubi & subiectum & objectum certum  
A 3 respi-



Respicimus. Sic Adventus Christi triplex est. *Primus* in carnem: *Secundus* in corda: *Tertius* ad iudicium. Ille est ad homines; Iste in homines; hic contra homines. Ille nunciatus per Angelum, iste quotidie nunciatur per Ecclesiae ministrum, hic nunciabitur per diem extremum. Ille fuit humilis & despectus, iste mirabilis & graciosus, hic horribilis & gloriosus; Ille factus in incarnatione, iste in regeneratione, hic in mundi consummatione. Ille factus per matrem virginem, iste per verbi praecognitionem, hic per Angelorum clangorem. Ille consistit in conceptione & nativitate, in passione & morte, iste in spirituali Christi inhabitatione, & gratioſa Christi operatione, hic in hominum resurrectione, collectione & iudicatione. Ille peractus est olim in iudaea, iste quotidie fit in Ecclesia, hic adhuc futurus in mundi *πανελευθέρια*. In primo venit ut Rex noster, in secundo venit ut legifer & Doctor noster, in tertio veniet ut iudex noster. Et ita scriptura ipsa hunc triplicem Christi adventum distinguere voluit *Esa. XXXIII. 22. Dominus iudex noster, Dominus legifer noster, Dominus rex noster ipse salvabit nos.*

IV. Deinde vox Christi sumitur (1) *adjectivè* pro *uncto*, sic late se extendit huius vocabuli significatio, quia omnes eos notat, qui olim in V. T. ad certum officii genus ungebantur. Quales erant (1) *sacerdotes* (2) *Prophetae* (3) *Reges*, Ut ita triplex Christi officium praefiguraretur, qui unctus est in Prophetam, sacerdotem & Regem nostrum. (2) *substantivè* & *κατ' ἐξοχήν* *Pf. II. 2. Adstiterunt Reges terra, & principes convenerunt in unum adversus Dominum & adversus Christum eius.* Et in hac significatione frequentissimè per totum N. T. usurpatur. Eademque actio est huius loci.

V. Denique Vox *iudicii* h. l. non significat (1) *iudicium humanum*, quale ab hominibus in rebus humanis vel contra homines, vel pro hominibus administratur. Nam cum Christus non sit nudus homo, ideoque tale humanum iudicium hic locum invenire non potest. Praeterea tale iudicium est huius mundi, sed Christi iudicium seculi alterius principium futurum est. Neque (2) *significat iudicium Angelicum*. Nam Angelis etiam tribuitur iudicium, quia illi cum Christo sunt venturi, eidem



eidem adstituri, homines à quatuor mundi plagis congregaturi, sententiam decisivam approbaturi, & tandem illam executuri: Verum quia hoc iudicium est creaturæ, non erit creatoris: quia erit iudicium ministeriale, non erit principale; quia erit iudicium testificatorium, non erit iudicium autoritativum. Sed (3) *iudicium divinum importat.* Nam quia Christus verus Deus est, divinum etiam iudicium ei convenire debet. Verum quia iudicium Dei iterum triplex est: *aliud in regno potentia, aliud in regno gratia, aliud in regno gloria,* non immeritò etiam hanc distinctionem allegamus. *In regno potentia* Deus iudicium suum exercet partim per omnium creaturarum conservationem, partim per totius universi gubernationem, partim per Magistratus institutionem & conservationem. Sed tale iudicium h. l. non est intelligendū, quia illud non futurum est in mundi conservatione & gubernatione, sed in ejus finali & totali consummatione. *In regno gratia* Christus iudicium suum administrat per legis revelationem, per gravissimas legis accusationes & reprehensiones, & per intolerabilem legis maledictionem & condemnationem: & id quidem facit, tum propter peccatorum agnitionem, tum propter nostram conversionem, tum propter piorum conservationem; sed nec tale iudicium h. l. accipiendum, quia hoc fit verbo, illud facto: hoc minis, illud panis: hoc in Ecclesiâ militante, illud in Ecclesiâ triumphante. Relinquitur ergo hoc, quod de iudicio in regno gloriae hic fit sermo.

VI. Denique adventus Christi ad iudicium, *alius ad iudicium fit particulare*: sic olim in paradiso apparuit Filius Dei Adamo, eumque propter peccatum commissum iudicavit Gen: III. 9. sic idem apparuit Abrahamo Gen: XII. 1. seq. ut iudicaret Sodomam & Gomorrham, reliquasque confines civitates, quas omnes igne & sulphure cælitus demisso consumpsit, ut ex Cap. XIX. est manifestum, qui propterea dicitur ab Abrahamo *iudex universæ terræ* Gen: XII. 25. Ita sæpius Christus in certâ regione, in certâ civitate, in certâ domo ad iudicium venire solet, quando homines propter peccata commissa & atrocissima scelera penitus & radicitus quasi à terrâ extirpare videtur. *Deinde*  
*alius*



alius est Christi adventus ad iudicium universale, quando Christus rediturus est ad iudicandum omnes vivos & mortuos in novissimo die, de quo Christi adventu ultimo hic loci agimus

VII. Explicatâ Etymologia & Homonymiâ, restat adhuc synonymia. Varia autem adventus Christi ad iudicium in sacris literis synonyma inveniuntur. Dicitur (1) *παρρησία* adventus κατ' ἐξοχήν non uno in loco, ut *Math: XXIV. 3. Dic nobis, a-*  
*junt discipuli, quando hæc erunt? & quod signum erit adventus tui*  
*& consummationis seculi.* Quod enim hic loci adventus ultimus sit intelligendus, probat ἐκ θεοῦ adjecta: quod hic adventus conjunctus sit cum ipsa seculi consummatione. *Sic V. 73. Sicut*  
*in diebus Noe, ita erit & adventus Filii hominis.* Hic præter alia quæ ex textus *συμπερία* possent allegari, pro nostro adventu saltem urgemus manifestam cum diebus Noe collationem & subjecti appellationem: dicitur enim Filius hominis: veniet autem ad iudicium quatenus filius hominis est *Joh: V. 27. Conf: V. 39. I. Cor: XV. 22. I. Thes: II. 19. Cap. III. 13. c. IV. 15. c. V. 23. II. Thes. II. 1. Jac: V. 7. 8. II. Pet: III. 4. I. Joh: II. 28.* Dicitur autem hic adventus κατ' ἐξοχήν ita (1) *ratione gloriose apparitionis.* Quia in multa gloria & majestate venturus est, non in infirmitate, sicut in primo suo adventu, qui etiam dicitur *παρρησία* *II. Pet: I. 16.* Præterea etiam visibiliter venturus est, non invisibiliter, in corpore, non in verbo & sacramentis, sicut fieri solet in spirituali appropinquatione. (2) *ratione pompose & numerosæ societatis:* nam omnes sancti Angeli venient cum eo *Mat: XXV. 31.* Non n. veniet pauper sicut in primò advētu *Zach: IX. v. 9.* neq; sine Angelorum comitatu ut in spirituali regeneratione & in habitatione *Ioh: XIV. 23* sed, uti dictum, omnes Angelos habebit comites: (3) *ratione universalis congregationis:* In primo adventu tantum ad judæos venit *Mat: XV. 24* in secundo adventu tantum ad fideles *Joh XIV. 23* sed in hæc adventu ultimo congregabuntur ante eum omnes gentes *Mat: XXV. 32.* (4) *ratione æternæ felicitatis,* quæ ex hoc Christi adventu omnibus piis continget. Ut enim impii ibunt in supplicium æternum, ita justii in vitam æternam *Matth: XXV. 46.* (5) *ratione æternæ Christi visionis, in habitationis & conversationis.* In adventu primo Christum viderunt

runt



runt pii & impii, conversatus etiam est cum Phariseis & discipulis, sed impiis visio & Phariseis conversatio sublata est per mortem: discipulis vero & visio & conversatio per ascensionem est subtracta. In spirituali adventu venit ad fidelem animam, quam inhabitat, eique & visionem & conversationem communicat: sed facile amittitur Christus, quia propter peccata amittitur fides & Spiritus S. Ast in futurâ post ultimum adventum vitâ perpetua erit Christi visio, perpetua ejus in cordibus nostris habitatio, perpetua nostra cum ipso in cælis conversatio. II. ἐπιφάνεια I. Tim: VI. 14. II. Tim: IV. 1. III. ἐπιφάνεια τῆς παρουσίας II. Th: II. 8. IV. ἐπιφάνεια τῆς δόξης ἔσται μετὰ τοῦ μεγάλου θεοῦ, καὶ σωτηρίας ἡμῶν ἰησοῦ χριστοῦ. Tit: II. 13. V. παρουσία τῆς ἑσθίας ἡμέρας II. Petr: III. 12. VI. ἀποκάλυψις ἔσται χριστοῦ ἰησοῦ ἀπ' οὐρανοῦ I. Cor: I. 3. II. Thes: I. 7. I. Pet. I. 7. & 13. VII. ἀποκάλυψις τῆς δόξης χριστοῦ I. Pet: IV. 3. Sic & alia synonyma hujus adventus extremi passim legere possumus apud scriptores Biblicos, apud Doctores Ecclesiasticos & apud Theologos systematicos.

VIII. Absolutâ ὀνοματολογία ad πραγματαλογία nos convertimus: Ubi primo omnium se offert quæstio *An sit sc talis adventus Christi futurus?* Hic ex omni parte affirmativam facimus nostram, eamque indubiis confirmamus argumentis. De eo tamen adhuc dubium posset oriri, *An nimirum hic Christi adventus ad judicium ex lumine rationis possit cognosci?* Neg: & quidem (1) *ex articulo fidei proprietate*. Cognoscuntur enim articuli fidei (purè tales) non ex naturali ratione, sed ex cælesti revelatione, non ex naturæ theatro, sed ex scripturæ libro, non ex sapientum placitis, sed ex Spiritus S. eloquiis, non ex poëtis & Philosophis, sed ex Prophetis & Apostolis. Nemo autem negare potest hunc extremum Christi adventum inter fidei articulos esse numerandum. (2) *ex Christi consideratione*: Est enim Christi adventus: De Christo autem nihil novit humanus intellectus sibi relictus, unde vere nulla est, secundum B. Chemnitium, naturalis nostra in rebus Theologicis cognitio. Nam sicut universa scriptura nihil aliud est quam perpetuum de Christo testimonium, ita etiam verè est adæquatum doctrinæ

B

illius



illius principium, adeoq; præter scripturam ne quidem verbum  
Philosophia de Christo novit. (3) *ex regula Theologica: Quæ su-  
pernaturaliter & fide divina creduntur, ea naturaliter & scientiâ  
humana non cognoscuntur.* Scio, inquit Jobus cap. XIX 29. (non  
ex ratione, sed ex fide, neque ex naturâ, sed ex gratiâ, neque ex  
philosophia, sed ex Spiritus S. energia, neque apodicticâ scien-  
tiâ, sed firmissimâ & divinâ cordis fiduciâ, adeoq; non tam scio  
quam verè & firmè credo) *quod Redemptor meus vivit, & in  
novissimo die (quando adjudicium venturus est Dominus) de  
tterrâ (pervocem Domini advenientis: surgite mortui & veni-  
te ad judicium) resurrecturus sum. Et (virtute Domini mei) rur-  
sum circumdabor pelle meâ & in carne meâ videbo Deum. Quem  
visurus sum ego ipse mihi, & oculi conspecturi sunt & non alius* (4)  
*ex primi & secundi adventus analogia.* Sicut enim ratio nostra  
nihil novit de primo Christi in carnem adventu, ut pote qui ex  
solâ Dei revelantis misericordiâ cognoscitur: sicut etiam secun-  
dum Christi ad fidelium corda adventum penitus ignorat hu-  
mana ratio, nec ullum de eo verbum, nedum argumentum ali-  
quod firmum afferre potest: ita etiam se res habet de ultimo  
Christi ad judicium adventu, nihil hîc novit, adeoque etiam ni-  
hil probat humana ratio.

IX. Hoc remoto dubio, clarum evadit non ex philosophia,  
sed ex solâ Theologia argumenta pro hujus adventus certitudi-  
ne esse advocanda. Hæc autem argumenta in certas classes di-  
stribuimus, & omnem rem ordine & perspicuè proponimus.  
**I. Classis** continet perspicua scripturæ dicta. In his vero alle-  
gandis *Augustini* observamus methodum, qui cum de extremo  
judicio l. XX. C. D. c. 4 testimonia vellet producere, primo N.  
T. posteriori V. T. dicta ponebat loco. Neq; illud sine ratio-  
ne fecisse videtur, sed ordinis sui hanc affert causam. *Quamvis,*  
*inquit, V. T. veracula priora sint tempore, nova tamen anteponenda*  
*sunt dignitate, quoniam illa vetera præconia sunt novorum. No-*  
*va igitur ponenda sunt prius, quæ ut firmitus probemus, assumantur*  
*& vetera. In veteribus habentur lex & Propheta, in novis Evan-*  
*gelium & Apostolica literæ. Hunc & ipse Jesus Christus ordinem*  
*servandum esse demonstrans: scriba,* inquit, *eruditus, in regno*  
*Dei*



Dei similis est viro patri familias proferenti de thesauro suo nova  
 & vetera. Non dixit vetera & nova, quod utiq; dixisset nisi ma-  
 lisset meritorum ordinem servare quam temporum. Accedit  
 huc, quod N. T. dicta longè sint clariora, quam ea quæ in V. T.  
 sunt annotata. Claritas autem dictorum N. T. eo majorem  
 lucem dictis V. T. conciliat. Ex Evangelistis producimus, I. Mat-  
 thæum cap: XVI. 27. Filius hominis venturus est in gloria patris  
 sui cum Angelis suis & tunc reddet unicuiq; secundum opera ejus cap:  
 XXIV. 30. Tunc apparebit signum Filii hominis in cælo & tunc  
 plangent omnes tribus terræ, & videbunt Filium hominis venien-  
 tem in nubibus cæli cum virtute & gloria magnâ. cap: XXVI. 64.  
 Dico vobis a modo videbitis Filium hominis sedentem a dextris vir-  
 tutis Dei & venientem in nubibus cæli. II. Marcum: cap: VIII. 38.  
 Quem puduerit mei & sermonum meorum in generatione hæc adul-  
 terâ & peccatrice, pudebit illius & Filium hominis, ubi venerit  
 in gloria Patris sui cum Angelis sanctis. cap: XIII. 26. Et tunc vi-  
 debunt Filium hominis venientem in nubibus cum virtute multâ  
 & gloria cap. XIV. 62. Jesus autem dixit illi: Ego sum: & videbitis  
 Filium hominis sedentem a dextris virtutis & venientem cum nu-  
 bibus cæli III. Lucam: cap. IX. 26. Qui erubuerit me & sermo-  
 nes meos, hunc Filius hominis erubescet, cum venerit in majestate  
 suâ & Patris & sanctorum Angelorum. cap: XVII. 24. Sicut fulgur  
 coruscans e regione quæ sub celo est, in alteram quæ sub celo est,  
 fulget: ita erit Filius hominis in die suo. Quidam h. l. de illo Chri-  
 sti adventu explicant, qui est prædicationis, quia v. 22. præce-  
 dit: venient dies, quando desiderabitis videre unum diem Filii ho-  
 minis, & non videbitis. Verum quod optimè explicetur etiam  
 de glorioso Christi ad iudicium adventu, patet (1) ex Christi cõ-  
 suetudine: Qui sæpius præsentia cum futuris, adventum præ-  
 dicationis & iudicii conjungebat, ut videre est apud Mat: XXIV.  
 & alibi. (2) ex objecti consideratione. Quia loquitur Christus  
 hæc verba non ad Phariseum, cujus interrogationem jam v. 20.  
 & 21. resolverat, sed ad discipulos, sicut disertis verbis dicitur  
 v. 22. Et ait ad discipulos suos: venient dies, quando desiderabi-  
 tis videre unum diem Filii hominis & non videbitis. Hæc igitur  
 verba si pntas explicantur, non tam commodè de prædicatio-



nis, quam de liberationis adventu intelliguntur. Nam aliàs se-  
queretur, Apostolos etiam post passionem Christi & ascensio-  
nem ejus desiderasse adventum prædicationis, nec tamen illum  
vidisse, id quod actis Apostolicis videtur contravenire: contra  
vero sapius diem Christi ultimum videre Apostoli voluerunt,  
nec tamen ipsum viderunt. (3) *ex fulguris a pellatione*, fulgur ni-  
non semel cum ultimo Christi adventu in sacris literis compa-  
ratur & quidem (1) *ob naturam*, quæ ignea est: sic etiam igne in  
ultimo Christi adventu omnia dissolventur. (2) *ob velocitatem*,  
quæ momentanea est: sic etiam Christi adventus erit velocissi-  
mus, erit momētaneus. (3) *ob originem*, sicut fulgur solius Dei o-  
pus est: ita adventus hic Christi ad iudicium solius divinæ po-  
testatis est: sicut fulgur cælitus venit, ita etiam Christus é cælis  
rediturus est: sicut fulgur in nubibus conspicitur & ex nubibus  
â nobis videtur: ita etiam Christus in nubibus apparebit & ex  
illis â nobis videbitur. (4) *ob universalitatem*, sicut fulgur in o-  
mnia ea, quæ sub cælo sunt, fulget: ita adventus Christi glorio-  
sus etiam in omnia ea, quæ sub cælo sunt, fulgebit. (4) *Ex Em-  
phaticâ locutione*: Ita erit Filius hominis in die suo: De unâ die lo-  
quitur, quæ κατ' ἐξοχὴν quasi Filio hominis adscribitur. Hæc  
autem dies plerumq; diem adventus Christi ad iudicium in sa-  
cris notat. (5) *ex temporis descriptione*: v. 25. *primum autem oportet illum multa pati, & reprobari à generatione hæc*. Passio er-  
go, quam sustinuit Christus in carne, debuit præcedere: repro-  
batio etiam, quæ optimè de Christi prædicatione & verbo ex-  
plicatur, itidem debuit prius ab hæc generatione fieri. (6) *ex hu-  
jus diei cum temporibus Noe & Loti comparatione*, v. 26. & seq.  
quæ collatio licet hic uberius non possit exponi, tamen ex ipso  
textu satis clare patet, quod de extremo Christi adventu hæc di-  
cta sint intelligenda. (7) *ex Matthæi applicatione*. Matthæus e-  
nim cap. XXIV. v. 27. eadem verba recitat, & tam in præceden-  
tibus quam in sequentibus ad adventum Christi ultimum appli-  
cat. Multis hoc ipsum possemus ostendere, nisi brevitati in  
hæc quæstione deberemus studere. Sic Chrysostomus hom: 77. in  
Matthæum: *Quomodo fulgur, ut videatur, non indiget præcone  
aut nuncio, sed in momento temporum omnibus apparet: sic adven-  
tus ille ubiq; splendens statim videbitur*. Et Osiander super h. l. Lucæ  
ita

ita



ita explicita: Quomodo fulgur simul & semel caelum & terram illuminat, ita ego simul & semel in novissimo meo adventu me toti mundo ostendam in gloria & Majestate ineffabili. Hæc de illo loco, qui à quibusdam in dubium vocatur. Luc. XXI. 27. *Virtutes cælorum movebuntur; & tunc videbunt Filium hominis venientem in nube cum potestate magnâ & majestate.* Et v. 36. *Vigilate itaq; omni tempore orantes, ut digni habeamini fugere omnia ista, quæ futura sunt, & stare ante Filium hominis.* Item v. 34. & 35. *Cavete autem vobis ne quando graventur corda vestra crapulâ & ebrietate, & curis hujus vitæ, subitusq; vobis ingruat dies ille. Tanquam laqueus enim superveniet in omnes, qui sedent super faciem totius terræ.* IV. Johannem. cap: V. 27. *Pater dedit ei (Filio) potestatem judicium faciendi, quia Filius hominis est.* Augustinus l. XX. C. D. c. 6. hic ostendit, quod in eâ carne veniet judicaturus, in quâ venerat judicandus: ad hoc enim ait, quia Filius hominis est cap: XIV. 3 *Si abiero & preparavero vobis locum, iterum venio & accipio vos ad me ipsum, ut ubi sum ego, & vos sitis.* De hoc etiam loco non una est Doctorum sententia. Quidam accipiunt de illo Christi reditu ad discipulos, qui factus est in hoc mundo, statim post resurrectionem: verum si paulo plenius locum introspicimus, potius nostrum Christi adventum esse intelligendum colligimus. Breviter saltem summa notamus capita: patet illud (1) *ex domus patris sui allegatione*; illum enim reditum intelligit Christus, qui ex domo Patris si, deoq; reditus post Christi in domum Patris ingressum est intelligendus, qui non potest de reditu post resurrectionem explicari. (2) *ex Christi preparatione*; quia inde redire dicitur, ubi nobis loca præparavit, ergo reditum ex cælis intelligere videtur. (3) *ex reditus iteratione*; Iterum venio: q. d. non tantum venio post meam resurrectionem, sed iterum venio, nimirum visibiliter in die novissimo summa cum majestate, sicut *Ostander* illa verba explicat. (4) *ex Apostolorum assumptione*; Non enim Apostolos post resurrectionem secum assumpsit, sed quando in novissimo adventu rediturus est, eorū corpora resuscitabit, & omnes fideles sibi associabit, ita, ut ubi ipse est, & illi sint. (4) *ex Apostoli explicatione*; Paulus enim I. Thess: IV. 16. 17. interpre-



tem agit horum verborum dicens: quoniam ipse Dominus cum jubilatione & in voce Archangeli descendet de celo: & mortui qui in Christo sunt, resurgent primi: deinde nos, qui vivimus, qui reliqui erimus, simul rapiemur cum illis in nubibus obviam Domino in aera, & sic semper cum Domino erimus. Et hanc explicationem verborum Christi tradit etiam Hieronymus l. 2. adv. Jovin. Et locus & mansiones, quas preparare se dicit Christus Apostolis, in domo utiq; patris sunt, i. e. in regno caelorum, non in terra, in qua presens Apostolos relinquebat. Job: XXI. 12. videtur etiam Christus sui reditus mentionem facere dum dicit Petro: si eum (Johannem) volo manere, donec veniam, quid ad te? omnes enim Apostoli hunc adventum Christi intelligebant, & Johannem non moriturum esse colligebant. Licet autem ipse Johannes hoc posterius non approbaret: quia statim subjungit: Et non dixerat ei Jesus: Non moritur. Prius tamen non volebat negare, sed potius hujus adventus mentionem geminare: sed si volo eum manere, donec veniam, quid ad te? Scilicet corrigit Christus Petri curiositatem, & confirmat adventus sui veritatem.

X. Ex Actis Apostolicis producimus Cap: I. 11. Viri Galilaei (dicunt Angeli) quid statis aspicientes in caelum? Hic Jesus qui assumptus est a vobis in caelum, sic veniet, quemadmodum vidistis eum euntem in caelum. Ex Epistolis Paulinis potissimum I. Thess. IV. 15. qui residui erimus in adventum Domini, nequaquam preveniemus eos qui dormiunt &c. Item cap: V. 2. seq. vers. 23. II. Thess: 1. 6. 7. 10. Cap: II. 8. Col: III. 4. I. Tim: VI. 14. Plura tam ex Epistolis Apostolorum, tum ex Apocalypsi colligere possemus dicta, nisi haec & numero essent plura & pondere plena.

XI. Ex V tandem T. multa etiam possemus curiulare spiritus S. effata, ultimum Christi adventum illustrantia & confirmantia: sed quia praeter opinionem creverunt N. T. dicta, unum saltem allegamus ex Psal. L. 1. Deus Deorum Dominus locutus est, & vocavit terram a Solis ortu usq;: De Sion perfectam pulchritudinem splendere facit: Veniet Deus noster & non silebit: ignis coram eo vorabit & in circuitu ejus tempestas excitata est vehementer, advocabit ad calos de super & ad terram, ut judicet popu-

popu-



populum suum. *Congregate mibi sanctos meos ferientes pascuum  
 meum super sacrificium & nunciabunt caeli justitiam ejus, quod Deus  
 judex ipse.* David quidem h. l. de particulari & spirituali judi-  
 cio, quod Deus in hac vitâ exercet, agere videtur, optimâ ta-  
 men ratione adhuc etiam adventum, qui in novissimo die  
 ad judicium futurus est, referri potest. Explicat enim hic (1)  
*adventus hujus Dominum, v. 1. יהוה יי אלהים אל* Vulg. redd.  
*Deus Deorum Dominus: Alii, fortis Deus Dominus.* Utraq; expli-  
 catio respicit Salvatorem nostrum. Est enim hic *Deus Deorum*  
 phrasi Hebr. i. e. Deus omnium altissimus & gloriosissimus. Est  
 Deus Elohim, i. e. Angelorum, hominum, imò omnium crea-  
 turarū. Est Deus, qui ex tribus Elohim nobiscum loquitur v. 1.  
 Fortis etiâ est Deus fortitudine tum *essentiali*, quoad divinitatē  
 quia essentialiter ipsa est fortitudo: fortis est fortitudine *per-  
 sonali* secundum humanam naturam: quia Dan: VII. 13. *cum nu-  
 bibus caeli qs. filius hominis veniebat, & usq; ad antiquum dierum  
 pervenit. v. 14. & dedit ei potestatem & honorem & regnum, & om-  
 nes populi tribus & lingua ipsi servient, potestas ejus potestas aeter-  
 na, quae non conferetur, & regnum ejus quod non corrumpetur.* Sic  
 clamore jubilationis clamat Ecclesia triumphans Apoc: XII.  
 10. *Nunc facta est salus & virtus, & regnum Dei nostri, & potestas  
 Christi ejus.* Fortis denique est fortitudine *salutari*, quâ nobis  
 omnibus salutem offert & confert, & omnes nostros hostes  
 spirituales vincit. Est etiam Elohim, quia ipse cum Patre &  
 Spiritu S. ab initio mundum creavit Psal XXXIII. 6. Joh. I. 1. 2.  
 ex Gen. I. 3. seq. Est denique Jehova, verus cum Patre &  
 Spiritu S. atque essentialis Deus. Et ne aliquis hic dubitare  
 posset, de quâ personâ sit sermo, cum & Pater sit *יהוה יי אלהים אל*  
 & Spiritus S. similiter ita vocetur, ideoque multis *επιση-  
 μαισι* hanc appellationem ita applicat, ut commodissimè de Fi-  
 lio possit explicari. Et v. 3. expressè eum nominat: *אלהינו*  
 Deum nostrum, Deum nobiscum, Deum Immanuel. qui Solus  
 est Filius. (2) *adventus scopum* quare Dominus veniat: *Locus  
 est, & vocavit terram, i. e. homines in terrâ viventes.* L que-  
 tur enim Christus in extremo suo adventu. 1. *mortuos ex sepul-  
 chris*



*bris excitando: surgite mortui. 2. vivos cum mortuis advocando: Venite ad iudicium. 3. sententiam decisivam coram vivis & mortuis recitando. Vid: Mat: XXV. 34. seq: (3) adventus proprium: quod futurus sit universalis, vocabit enim terram à Solis ortu usq; ad occasum, & ab omnibus quatuor mundi plagis Mat. XIII. 39. (4) adventus locum: De Sion i. e. decælis venturus est Dominus. (5) adventus gloriã: perfectam pulchritudinem Deus splendere faciet, i. e. ut explicat Math: XXIV. 30. apparebit cum gloriã & maiestate magnã. (6) Adventus certitudinem: Veniet Dominus & nõ emanabit, quia Dominus noster est, noster nostra caro, noster redemptor & liberator. (7) frater adventus præconium: Non silebit: quia cum classico Dei & tubã, cum omnibus Angelis & Archangelis de cælo descendet I. Thess: IV. 16. (8) adventus modum. Ignis in conspectu eius exardescet. Christus enim in igne venturus est ad ultimum iudicium, quia celi igne solventur, & elementa calore liquecent. II Pet. III 10. & cum flammã ignis patefiet II. Thess. I. 8. circa eum, pergit Psaltes, tempestas magna, audientur enim horribilia tonitrua, ut in primã legis promulgatione, ita etiam in ultimã legis & pœnarum eius executione. (9) adventus thronum: In circuitu eius tempestas valida. In tempestate sunt tonitura & fulgura. Item imbres & grandines &c. omnia autem hæc in nubibus. Et quia hæc erunt in circuitu eius, ipse etiam in nubibus venturus est, nam alias non posset hæc tempestas valida esse in circuitu eius. Atqui Christus dicitur venturus in nube Luc. XXI. 27. in nubibus Marc: XIII. 26. cum nubibus Marc: XIV: 62. &c. (10) adventus objectum: ad quos venturus sit, v. 4. Advocabit in resurrectione mortuorum cælum i. e. eos, qui sunt in cælo, & terram. h. e. eos, qui vel dormiunt, vel vivunt in terrã, ut iudicet populum suum. (11) adventus ministros: qui sunt Angeli, qui congregabunt tam omnes homines, præcipuè vero sanctos, v. 5. congregate scilicet vos Angeli mihi omnes homines, ut iudicetur secundum opera in conspectu omnium creaturarum: imprimis autem segregate mihi sanctos meos ab hædis damnatis, & congregate eos tanquam triticum in cælestia horrea, quia curaverant fœdus meum magis quam sacrificium. Veniet enim cum omnibus sanctis Angelis  
tanquam*



tanquam testibus, satellitibus & ministris, ut passim in sacris dicitur. (12) *adventus eventum: v. 6. & annuntiabunt in omnes æternitates cæli, & imprimis illi, qui in cælis sunt, justitiam ejus, & Dominum in perpetuum laudabunt & glorificabunt.* (13) *totius hujus tractationis principium.* Hæc autem omnia propterea fient, quoniam *Deus judex est.* Dominus Deus fortis loquetur, quia judex est. Vocabit terram à solis ortu usq; ad occasum, quia judex est. De Sion perfectam pulchritudinem splendere faciet, quia judex est. Deus noster non filebit, sed cum maximo clangore ad judicium redibit, quia judex est. Ignis vorans erit in conspectu ejus, quia judex est &c. Vid: Gerh: Tom: 9. de extrem. jud. §. 12.

XII. *Altera Classis comprehendit testimonia.* Princeps enim adventurus solet sui adventus certos testes atque præcones adhibere, ut adventus sui certitudinem omnibus manifestam faciat. Et quo majores sunt testes, tanto major etiam fides verbis adhibetur. Hic habemus testes omni exceptione majores. Habemus testem hujus adventus (1) *Deum Patrem Act: XVI. 1. 30. seq. Deus (Pater) nunc annunciat hominibus* (non tantum mediis, quibus adventum Filii possunt fidei constantiâ expectare, & hilari animo eundem singulis momentis exoptare, nim:) *ut omnes ubiq; agant penitentiam* (sed etiam annunciat omnibus ipsum Filium sui adventum ad ultimum mundi judicium) *eò quod statuit diem, in quo judicaturus est orbem in justitiâ per virum* (Filium hominis Joh: V. 27.) *per quem decrevit* (omne judicium facere) *fidem offerens omnibus, postquam suscitavit eum à mortuis.* (2) *Deum Filium, partim ante incarnationem Esa: XLV. 23. per me ipsum juravi, ait Dominus, & exiit de ore meo verbum justitiæ, & non revertetur, quod mihi* (in ultimo meo ad judicium adventu) *curvabitur omne genu.* Nam *Rom: XIV. 11.* Paulus hoc vaticinium & ad Christum & ad adventum ejus ultimum applicat. Et cap: LXVI. v. 15. 16. 17. Hæc dicit Dominus: *Ecce Dominus in igne veniet & c. Ego enim opera eorum & cogitationes eorum, venio ut congregem cum omnibus gentibus & linguis, & venient & videbunt gloriam meam.* Partim post incarnationem, in statu humiliationis *Mat: XXIV. 30. & alibi passim.* Partim post exaltationem

C

nem



*nem Apoc: XXII. ut supra est explicatum. (3) Deum Spiritum Sanctum. Huic enim tot scripturæ effata sunt tribuenda, quos ab omnibus scriptoribus sacris sunt consignata ex illo II. Pet: I. 21. (4) Angelos Act: I. II. Hic Jesus (dicunt duo viri, id est Angeli in vestibus albis) qui assumptus est à vobis in celum, sic veniet, quemadmodum vidistis eum euntem in celum (5) Patriarchas. Jud: 14. Prophetavit autem & de his septimus ab Adam Enoch, dicens: Ecce venit Dominus in Sanctis millibus suis, facere judicium, contra omnes & arguere omnes impios, de omnibus operibus impietatis eorum &c. Sic absque dubio etiam de his prophetavit Enos, cujus tempore captum est invocari nomen Domini Gen: IV. 26. Et Abraham ipsi Filio Dei sub formâ Angeli apparenti dicit: Gen: XIX. 25. quod sit judex universæ carnis. (6) Prophetas. Esa: III. 13. stat ad judicandum Dominus & stat adjudicandos populos. Dominus ad judicium veniet cum senibus populi & principibus ejus. Vid: cap: XXVI. 21. Zach: XIV. 5. &c. (7) Reges. David Psal. IX. 9. Dominus paravit ad judicium thronum suum: & ipse (in adventu suo gloriosus) judicabit orbem terræ in equitate, judicabit populos in justitia. Psal. L. 3. seq. Psal. XCVIII. 9. Salomon Eccl: III. 17. justum & impium judicabit (in ultimo suo adventu) Dominus. cap: XI. 9. cap: XII. 13. (8) Evangelistas, ut passim legimus in scriptis eorū (9) Apostolos, ut ex actis & Epistolis Apostolorū est manifestum (10) Tandem etiam longam seriem testimoniorum ex Patribus, aliisque Doctoribus possemus adjungere, si res ipsa videretur illa postulare. Saltem hîc totius Ecclesiæ consentiente n confessionem allegamus, tum ex symbolo Apostolico, quod Jesus Christus inde (è cælis) venturus sit, ut judicet vivos & mortuos. Tum ex symbolo Niceno: Christus iterum venturus est cum gloriâ judicare vivos & mortuos, cujus regni non erit finis. Tum ex symbolo Achanasiano: Christus inde venturus est judicare vivos & mortuos, ad cujus adventum omnes homines resurgent cū corporibus suis, & reddaturi sunt de factis propriis rationem.*

XIII Tertia etiam jam classis posset prolixè adventum Christi probare (1) ex firmis ab analogiâ fidei petitis argumentis (2) ex manifestis particularium judiciorum exemplis. (3) ex nervosis typis, figuris & parabolis. Sed illa hoc loco omittimus, & ob brevitatis studium his, quæ jam dicta sunt, contenti sumus.

XIV. Fu a



XIV. Fundatâ & confirmatâ adventus hujus ultimi existentia, pergimus jam ad ejusdem essentiam, Illa autem melius explicari nequit, quam per ejusdem definitionem, & per causarum explicationem. Causas hinc præmittimus, ut naturam hujus adventus eò planius & plenius proponamus. Et deinde definitionem causalem ex ipsis causis constituimus.

XV. Causa primo sese nobis offert *Efficiens*, quæ *triplex* est: *Principalis*, *Ministerialis* & *Instrumentalis*. *Principalis* est ipse *Deus unus essentia, personis trinus, Pater, Filius & Spiritus Sanctus*. Tribuendus autem hic adventus Deo, partim *conjunctim*, partim *distinctim*. *Conjunctim* totius SS. Trinitatis officium & beneficium est hunc adventum instituere, id quod probatur, tum ex *primi & secundi adventus analogiâ*. Nam quod primum concernit adventum, in eo venit Filius Dei, sed non sine Patre venit, non etiam sine Spiritu S. venit. Res est clara, partim ex *Christi conceptione* Luc: I. 35. *Spiritus S. superveniet in te, & virtus altissimi obumbrabit tibi. Ideoque quod ex te nascetur sanctum, vocabitur Filius Dei.* Ubi totius SS. Trinitatis mysterium explicant & conceptioni applicant Doctores. Per vocem *Altissimi* enim *Deum Patrem*, qui est prima Trinitatis persona, intelligunt, cum hic in cælis habitare dicatur Luc: XI. 2. Per *virtutem* intelligunt *Dei Filium*, qui essentialis Dei virtus est, Patris *potentia* I. Cor: I. 24. & *Dei dextra*, ut passim in sacris appellatur Gen: XLIX. 3. Deut: XXI. 17. Per *Spiritum S.* tertia Trinitatis persona intelligitur. *Partim ex Christi baptisate*: ubi Pater cælestis auditur in voce, Spiritus S. videtur in specie columbæ, & Filius stat in Jordane Mat: III. 16 17. Quid autem aliud est ista apparitio, quam *solemnis Christi ad officium Propheticum inauguratio*, & totius SS. Trinitatis ad homines appropinquatio. *Partim ex Christi transfiguratione*, præcedebat Christi passionem Mat: XVII. 5. seq. Ibi pater iterum auditur in voce, Spiritus S. videtur in nube, & Filius coram Apostolis stat cum Elia atque Mose. Quia autem Christus collocutus est cum Mose & Eliâ de suo, quam Hierosolymis habiturus erat, adventu, videtur hic facta *Solemnis Christi ad officium sacerdotale inauguratio*, & reiterata totius SS. Trinitatis ad homines appropinquatio. Idem



etiam ex Joh: XX. 21. colligimus, quod idem factum sit in *in-*  
*thronisatione Christi ad officium regium*. Cum enim Christus  
ascensurus esset caelum, regium officium potenter suscepturus,  
& primum suum in his terris visibilem adventum sublaturus,  
apparuit dicens: *Pax vobis: sicut misit me Pater & ego mitto vos.*  
*Et hoc cum dixisset, insufflavit & dicit eis: Accipite Spiritum S.*  
*&c.* Pater eos mittit per Filium: Filius dicit: ego mitto vos: Spi-  
ritus S. etiam per insufflationem corda Apostolorum ingredi-  
tur. *Deinde* nec de secundo adventu Christi hoc ipsum potest  
negari, quod ibi etiam tota SS. Trinitas sit praesentissima. U-  
num saltem brevitatis ergo allegamus locum ex Joh: XIV. 23. *Si*  
*quis diligit me, sermonem meum servabit, & pater meus diliget eum,*  
*& ad eum veniemus & mansionem apud eum faciemus.* Ne autem  
quis existimaret Spiritum S. esse excludendum, mox v. 26 addit:  
*Paracletus autem Spiritus S. quem mittit Pater in nomine meo, ille*  
*vos docebit omnia, quae dixi vobis.* Sicut igitur primus & secun-  
dus adventus totius SS. Trinitatis negotium est, ita de tertio ad  
judicium reditu, ut aliud quippiam sentiamus, Christiana pro-  
hibet religio.

XVI. *Tum ex operum ad extra ὀρθοδοξία.* Opera enim ad  
extra sunt indivisa, & toti SS. Trinitati communia, quae solen-  
nis & communis est totius orthodoxae antiquitatis confessio.  
Jam quia adventus Christi ultimus erit opus ad extra, quidem  
Deus veniet non ad seipsum, neque contra seipsum, sed ad cre-  
aturas veniet & contra creaturas, ideoque etiam hic adventus  
verum erit opus ad extra, h. e. ad externas creaturas extra Deum  
existentes. Veniet Deus contra totum hoc universum, illud in  
igne furoris sui resolvendo, veniet contra Diabolos, eos aeternis  
suppliciis accensendo, veniet contra omnes impios, eos cum  
Diabolis igni infernali adjudicando. Veniet creator ad crea-  
turas, eas a vanitate & abusu impietatis liberando Rom VIII. 21.  
Veniet ad pios defunctos, eos ex terrae pulvere resuscitando &  
animas cum corporibus consociando Joh: V. 29. Veniet etiam  
ad fideles adhuc viventes, eos a persecutionibus & omnibus mi-  
seriis eripiendo & aeternum cum omnibus Angelis & beatis glo-  
rificando I. Thes: IV. 17. *Et licet hic adventus Christi visibilis*  
*sit*



fit futurus, & solus Christus visibiliter fit appariturus, non tamen hæc apparitio Patri & Spiritui S. opponenda, sed invisibilis etiam Patris & Spiritus S. cum Filio *παραχώρησις* & immanentia h. l. subintelligenda: id quod *ὀχινομία* operum ad extra sibi postulare videtur. Pater dicitur creare, sed non absq; Filio Joh: I. 3. neque absque Spiritu S. Psal. XXXIII. 6. Spiritus S. dicitur sanctificare, sed non sine Patre & Filio: Ita etiam Filius in extremo judicio dicitur adventurus, sed non absque Patre & Spiritu Sancto. Ille enim omne judicium dedit Filio Joh: V. 22. adeoque ab adventu ad judicium non est excludendus: *hic* vero Spiritus S. *spiritus judicii* disertis verbis nuncupatur Esa: IV. 4. unde nec ipse penitus ab hoc adventu abesse poterit.

XVII. Alia etiam hinc argumenta possemus multis urgere, & ex sacris literis hoc ipsum defendere, quod tota SS. Trinitas hujus adventus causa efficiens principalis sit futura: sed res est ex dictis clara, & multa sunt explicanda. Breviter tamen adhuc allegamus *juris divini excellentiam & competentiam*. Is enim ad judicium principaliter potest venire, qui jus exercet in omnes creaturas. Atqui hoc est totius SS. Trinitatis opus, ut constat (1) *à creatione* (2) *à creaturarum conservatione* (3) *à creaturarum gubernatione* (4) *ab hominum redemptione* (5) *à voluntatis divine revelatione* (6) *ab hominum multiplicatione*. Quia tanta est hominum multitudo, ut finitæ haut possit esse potestatis, omnes examinare; omnium cogitata dicta & facta cognoscere etiam infinitæ est scientiæ. (7) *ab hominum resurrectione*. Qui enim omnes homines resuscitabit, ille etiam venturus est. Atqui illud est opus Dei Patris, Filii & Spiritus Sancti. Plura hic non addimus.

XVIII. Sigillatim etiam tribuitur hic adventus. I. *Deo Patri*, & quidem (1) *ratione temporis*: quia diem adventus constituit Act: XVII. 30. non tantum respectu æternæ prævisionis, quia ab æterno hunc diem prævidit, sed etiam respectu certissimæ revelationis, quia passim per prophetas & Apostolos, imo per ipsū Filium hunc diem nobis in sacris literis revelavit: itemq; respectu futuræ executionis, quia non vana erit illa revelatio, sed in-



fallibiliter suo tempore fecutura est iudicii administratio. (2) *ratione actus judicialis*: quia ipse in hoc die constituto iudicaturus est orbem in æquitate. Iudicium enim hoc æquissimum, & iustissimum Deo Patri sæpius in sacris adseribitur, & quidem (1) *in visione* Dan: VII. 9. *throne positi sunt & antiquus dierum sedit, nimirum ad iudicandum.* (2) *ex appellatione* Esa: XXXIII. 22. *Dominus iudex noster, Dominus legifer noster, Dominus Rex noster.* Licet enim hoc dictum adventum Christi triplicem ostendat, interim ab aliis etiam ita explicari solet, quod trina vocis Jehovæ repetitio sit SS. Trinitatis revelatio, & nomine Jehovæ iudicis intelligi Deum Patrem, sicut Jehova legifer noster indicat Spiritum S. Jehova Rex noster Salvatorem nostrum Christum Jesum (3) *ex Christi assertionem.* Joh: V. 50. *Est qui requirat & iudicet videlicet Pater meus cælestis, ut ex v. 49 colligitur.* (4) *ex Parabolicâ explicatione*: Nam Mat: XXII. 12. Rex cælestis, qui nuptias Filio suo paraverat adventu suo partim convivas exhilarat, partim iusto suo iudicio condemnat, dum ad carentem veste nuptiali hanc severam dicit sententiam: *Amice, quomodo huc intrasti, non habens vestem nuptialem?* Et cum obmutesceret, dixit ministris: *ligatis pedibus & manibus ejus mittite eum in tenebras exteriores, ibi erit fletus & stridor dentium.* (3) *ratione iudicis*: Dicit enim Apostolus cit: loc: Act: quod *per virum sit iudicaturus in quo decrevit.* Deus Pater iudicem hunc decrevit. 1. *æterno suo consilio*, quia ab æterno in Christo nos elegit Eph: I. 4. 2. *Externo S. Scripturæ verbo*: quia hunc iudicem nominavit, ordinavit, & omnibus hominibus manifestavit. Unde Abraham jam suo tempore cognovit, quod Filius Dei sit *iudex universæ terræ* Gen: XVIII. 25. Imo quod Epistola iudæ v. 14. testatur, etiam ante diluvium hæc denominatio & manifestatio fuit nota, quia *septimus ab Adam Enoch* sc: de hujus iudicis adventu vaticinatus est, non aliter ac si adventum hunc apertis oculis vidisset, & Christum cum sanctis millibus suis contempserit. 3. *interno divinæ potentie, scientiæ aliorumque divinarum axiomatum dono.* Nisi enim his divinis attributis hic vir esset instructus, non posset universalis iudicis officio fungi. Quia autem Pater neminem iudicat, sed omne iudicium dare, voluit



voluit Filio Joh: V. 27. ideo Filio dedit potestatem iudicium facere, quia Filius hominis est v. 27.

XIX. II. DEO FILIO, & quidem (1) *respectu divine nature*. Hæc enim ab illo adventu nequaquam est excludenda, si enim ea abesset, sola humana natura iudicii hujus universalis officium suscipere non posset. Est autem divina natura Christi adventus hujus causa principalis 1. *propter intimam cum Patre consubstantialitatem*: Ego, inquit ipse, & Pater unum sumus Joh: X. 30 Quia vero Deo Patri adventus hic tribuitur, nequaquam Filio est denegandus. 2. *propter indivisam totius SS. Trinitatis in rebus divinis potentiam*: Joh: V. 17. Pater meus usq; operatur, & ego (eadem sc. potentia usq; modo) operor. 3. *propter perpetuam operationis convenientiam*: v. 19. Quaecunq; Pater fecerit, hæc & Filius similiter facit. Pater enim dirigit Filium & omnia demonstrat ei, quæ ipse facit &c. (2) *respectu humane nature*: Nam Christus etiam secundum eam est causa efficiens principalis adventus sui. 1. *illum annunciando*: Mat: XVI. 27. cap: XXIV: 30. & alibi. 2. *eum per Apostolos suos toti mundo revelando*. Sicut enim alia divinæ revelationis capita Judæis & gentibus jussu salvatoris nostri prædicarunt, ita etiam hoc ipsum de extremo Christi adventu dogma omnibus diligenter & fideliter inculcarunt, ut passim ex libellis Apostolicis dicta manifesta testantur 3. *certissimos hujus adventus nuncios remittendo*. Cum enim visibiliter ascendisset ex Apostolorum conspectu in cælum, statim misit duos Angelos, qui jussu Christi certissimâ assertionem adventum hunc confirmarunt Act: I. II. 4. *Ex amore erga nos nostramq; salutem adventum maturando & dies ab breviando*: Mat: XXV. 22. Nisi breviati fuissent illi dies, non fieret salva omnis caro, sed propter electos breviabuntur dies illi.

XX. III. DEO SPIRITUI SANCTO tribuitur hic adventus (1) *propter appellationem*, quia dicitur *spiritus iudicii* Esa: IV. 4. Diei autem requirit inesse; & quia iudicaturus est, etiam ad iudicium (divino tamen modo) advenire dicitur. (2) *propter operationem*. Quia per verbum in hominibus & cum hominibus contendit, disceptat, ac adventum Christi observare mandat Vid: Gen. VI. 3. Qui autem adventus hujus expectationem in nobis

nobis



nobis excitat, nostra corda ad vigilantiam suscitatur, & impatientes propter socordiam verbis castigat, factisque fatigat, ut diligentiores sint in adventus hujus expectatione, meditatione & apprehensione, ille etiam hujus adventus erit causa, & cum hoc faciat principaliter Spiritus S. ejus etiam principalis erit causa. (3) propter Christi assertionem: Joh: XVI. 8. *Cum venerit Spiritus S. arguet mundum de peccato & de justitia & de judicio.* Hoc quidem in hac vita inchoatur, in extremo a. die confirmabitur: in hoc seculo fit particulariter, tunc vero fiet universaliter: in hoc seculo fit per verbum, ibi autem fiet per verum sensum: hic in judicii revelatione, ibi in judicii executione.

XXI. Causa ministerialis adventus Christi non est (1) *Humana Christi natura*, ut volunt Calvinisticae sectae assertores. Hi enim ut in alijs quaerunt humanae naturae cum alijs hominibus conformitatem, ita etiam de hoc glorioso Christi adventu non recto incedunt gressu, sed eam non causam principalem, verum tantum ministerialem futuram asserunt. Nam *Admonitio Nestad. de Formula concord. p. 21.* haec affert verba: *Humana Christi natura de caelo descendet in nube, conspicietur in gloria testante in ea habitantem Deitatem & feret sua voce sententiam extremi judicii; Divina inspiciet & manifestabit omnium corda & conscientias, dictabit & exequetur sua potentia latam sententiam.* Quod enim his in verbis Humanam naturam ad causam ministerialem referant, patet. 1. *Ex Humanae naturae in sensu Calvinistico acceptione.* Est enim illa actionum divinarum non causa principalis propter unionem personalem, sed saltem *оргaнов* & instrumentum, quia, ut collocutores *Mompelgart. p. 205. Coll. lat.* statuunt, *communicatio idiomatum ne verbalis quidem concedenda, quippe cum sit tam falsa, quam falsum est, unione hypostatica humanitatem evasisse deitatem.* Jam autem adventus hic verè erit actio divina, tum respectu comitatus, quia omnes Angeli cum eo venient: tum respectu status, quia in nubibus & cum nubibus veniet, quod Solius Dei proprium est: tum respectu effectus, quia mortuos suscitabit, omnes homines aeternum salvabit, impios vero & malos condemnabit: quae omnia non nisi Soli Deo propria sunt. 2. *ex descensu consideratione:* Hic enim

enim



enim miraculosus erit & verè divinus: Jam nullam miraculo-  
sam actionem Calviniani Humanæ naturæ tribuunt, sed eam  
comparant carni Apostolorum, virgæ Mosis, ut est apud Da-  
naum in examine contra Chemnitium cap. 4 p. 118. Ad miracula effi-  
cienda non plus caro Christi, quam ad edenda ab apostolis miracula  
carni Apostolorum contulit, aut virga Mosis ad edenda miracula  
Mosi profuit. Et paulo post: Caro Christi nonnunquam est adhibi-  
ta, ut nudum duntaxat instrumentum. Ex quibus id colligimus,  
si Calviniani velint *Ἰησὺν Φυλάττειν*, quod non possint aliter  
facere, quam Humanam naturam esse saltem ad ventus hujus  
causam ministerialem statuere. 3. Ex Calvinisticâ gloriæ descri-  
ptione: Videntur enim *ὁμοία λαλεῖν*, sed revera *ἀνόμοια φρονέειν*  
ut omnium Hæreticorum ingenium explicat Irenæus: Dicunt:  
*Conspicietur in gloriâ*: Ubi notandum, quod non gloriam illam  
intelligant, de quâ loquitur Christus *Matth. XXIV. 3.* quod ventu-  
rus sit *μετὰ δυνάμεως καὶ δόξης πολλῆς* & cap. *XXV. 31.* super  
thronum *δόξης αὐτῆς*: quæ gloria dicitur alibi *gloria Patriæ*  
*Matth. XVI. 27.* *Marc. VIII. 38.* imò utramque conjungit, quod  
venturus sit *ἐν δόξῃ αὐτῆς καὶ πατρὸς* *Luc. IX. 26.* Sed intelli-  
gunt, quando de humanâ naturâ loquuntur, gloriam crea-  
tam, finitam. Jam quicumq; saltem in finitâ gloriâ & poten-  
tiâ venit, ille non potest esse causa principalis adventus & ju-  
dicii. Atqui de Christi humanâ naturâ verum prius, secun-  
dum Calvinii sequas, E. & posterius. 4. Ex disertâ assertionem:  
Feret enim tantum suâ voce sententiam, reliqua omnia soli  
divinæ naturæ attribuunt. Plura hæc vice addere non possu-  
mus, sed potius hanc Calvinisticam & blasphemam senten-  
tiam rejicimus. Contrarium enim jam antea probatum  
est, nec ullum fundamentum verum vel firmum in Calvinianâ  
assertione allegatum est.

XXII. Sed II. *Angeli*: illi enim sunt *spiritus administratoris*  
*Heb. I. 14.* Ministrarunt Christo in adventu primo, tum quo ad  
*preparationem* *Luc. I. 11.* quia præcursores ejus annunciarunt:  
tum quo ad ipsam apparitionem; quamprimum enim Christus  
his in terris apparuit, & ex Mariâ virgine Bethlehemi natus  
est, non tantum *Angelus Domini stetit juxta pastores* Bethlehe-  
miticos, & adventum incarnationis ipsis annunciarunt *Luc. II.*

D

9. seq.



9. seq. sed etiam subito facta est cum Angelo isto tota multitudo mi-  
 litia celestis laudantium Deum v. 11. cum quoad defensionem, quia  
 defenderunt ipsam ab ignominia Matth. I. 20. seq. ab Herodis cru-  
 culentia Matth. II. 13. ab exilii miseria, quia ipsam ex Ægypto re-  
 vocarunt & reduxerunt v. 19. cum quoad Diabolicam tentationem  
 Matth. IV. 11. cum quoad passionem Luc. XXII. 43. quia ipsi appa-  
 ruit Angelus de cœlo & confortavit eum: cum quoad resurrectio-  
 nem, in quâ non unus apparuit Angelus tum mulieribus, tum  
 discipulis vid. Matth. XXIII. 2. Marc. XVI. 5. Luc. XXIV. 4. tum  
 quoad ascensionem Act. I. 10. In adventu secundo etiam variis mo-  
 dis Christo ministrant, ut alibi docetur. Adventum etiam  
 ultimum Angeli non fugiunt, sed Christo quoad hunc suum  
 adventum ministrant, ministrant & adhuc ministrabunt.  
 Ministrarunt ipsi, quoad hujus adventus annunciationem  
 Act. I. 10. Ecce duo viri (Angeli) adstiterunt juxta illos in vestibus  
 albis, qui & dixerunt: Viri Galilaei, quid statis, ad huc in cœ-  
 lum? Hic Jesus qui assumptus est à vobis in cœlum, sic veniet, quem-  
 admodum vidistis euntem in cœlum. Ministrant, homines ad hunc  
 adventum præparando, & animas in sinum Abrahamæ deportan-  
 do Luc. XVI. 22. Ministrabunt autem in ipsâ etiam adventus die  
 Christo (1) honorificâ & gloriosâ suâ præsentia ipsam comitando.  
 Veniet enim Filius hominis in gloria sanctorum angelorum Luc. IX.  
 26. Et cum venerit Filius hominis in maiestate suâ omnes Angeli  
 erunt cum eo Mat. XXV. 31. (2) Potentiam ejus omnibus manifestan-  
 do: Revelabitur enim Dominus Jesus de cœlo cum Angelis potentie  
 sue II. Thes. I. 7. Et quia tam potentes habebit secum spiritus  
 in tantâ etiam copiâ & summâ ad quævis ministeria prompti-  
 tudine, omnes gentes inde potentiam ipsius judicis cogno-  
 scent. (3) clamorem triumphalem & jubilationem ipsi offerendo.  
 Nam ipse Dominus cum jubilatione & in voce Archangeli & in tubâ  
 Dei descendet de cœlo I. Thes. IV. 16. (4) omnes homines coram ipso  
 congregando Matth. XIII. 39. seq. Messores sunt Angeli. Sicut gigitur  
 colliguntur zizania & igni comburuntur, sic erit in consummatione  
 Seculi. Mittet Filius hominis Angelos suos, & colligent de regno  
 ejus omnia scandala, & eos qui faciunt iniquitatem, & mittent eos  
 in caminum ignis Matth. XXIV. 31. Marc. XIII. 27. (5) congregatos ho-

minis



*mines separando: Matth XIII. 49. Sic erit in confirmatione seculi: Exhibunt Angeli & separabunt malos de medio justorum. (6) malos à sinistris & bonos à dextris ipsius judicis ordinando: Licet enim hæc ordinatio Christo tribuatur Matth XXV. 33. Statuet oves à dextris suis, hædos à sinistris: tamen non exclusivè sed inclusivè hæc verba sunt intelligenda. Causa enim principalis non excludit ministerialem, Christo igitur principaliter, Angelis ministerialiter hæc ordinatio tribuenda. Eodem modo ut separatio piorum & impiorum modò Christo principaliter Matt. XXV. 32 separabit eos ab invicem (nim. Filius hominis) sicut pastor gregat oves ab hædis: modò autem tribuitur Angelis ministerialiter Matth. XIII. 49. Exhibunt Angeli & separabunt malos de medio justorum. (7.) Impios à Christo damnatos ad infernum præcipitando: Matth. XIII. 42. & 50. Mittent eos (impios) in caminum ignis Conf. Matth. XII. 13. cap. XXV. 30. Apoc. XX. 3. (8) pios in æternam gloriam deportando: I. Thes. IV. 17. Rapiemur (nos pij) in nubibus in occursum Domini in aëra & sic semper cum Deo erimus. Sicut enim in specie cujuslibet pii animam in sinum Abrahamæ deportant Luc. XVI. 22, ita etiam conjunctim omnes pios in vitam æternam post judicium deportabunt.*

XXIII. III. *Homines pii.* Quod enim hi futuri sint causæ ministeriales adventus Christi, illud tam ex V. quam ex N. T. est manifestum. Non allegabimus jam illa dicta, quæ de ipso loquuntur judicio, sed saltem unum vel alterum de adventu ipso recitabimus Esa. III. 14. *Veniet Dominus ad judicium cum senioribus populi sui & principibus ejus I. Thes. II. 13. In adventu Domini nostri Jesu Christi cum omnibus sanctis ejus. Epist. Jude v. 14. Ecce venit Dominus cum multis sanctorum millibus. Viri enim in coelum translati sunt Enoch. Gen V 24. & Elias II. Reg II. 11. Præterea etiam multi surrexerunt tempore passionis & resurrectionis Christi Matth. XXVII. 53. Venturi autem sunt pii (1) ut comites, quia Christum comitabuntur, cumq; eo ad judicium proficiscuntur. Veniet enim cum Senioribus Esa. III. 14. cum omnibus Sanctis I. Thes. III. 13. cum multis millibus Sanctorum Jude. 14 adeoq; sancti Christi erunt comites. (2) ut assessores: id quod juramento confirmavit ipse Christus Matth. XIX. 28.*



*Amen dico vobis, vos qui secuti estis me in regeneratione, cum sederis  
 Filius hominis in throno gloriae suae, sedebitis & vos super sedes duo-  
 decim judicantes duodecim tribus Israhel; quod etiam repetitur  
 Luc. XXII. 30. (3) ut iudices; Sap. III, 8. iusti iudicabunt gentes impias  
 & dominabuntur populis, & regnabit Dominus illorum in perpetuum  
 I. Cor. VI, 2. An nescitis, quod sancti mundum iudicabunt? et si in vobis ju-  
 dicabitur mundus, indigni estis, qui de minimis iudicetis? An nescitis  
 quod Angelos iudicabimus? Apoc. XX. 4. Et viderunt thronos & sederunt  
 super eos, & iudicium datum est illis. (4) ut testes: quia de bonis operi-  
 bus piorum, de malefactis impiorum coram tribunali Christi  
 testimonium dabunt: cum primis de beneficentia & liberali-  
 tate sibi praestita testimonium ferent, ut ex operum fructibus  
 fides in corde latens toti mundo manifestetur Luc. XVI. 9. Fa-  
 cite vobis amicos ex mammona iniquitatis, ut cum defeceritis, reci-  
 piant vos in aeterna tabernacula. Sap. V, 1. Stabunt iusti magna  
 constantia adversus eos, qui se angustiaverunt. (5) ut approbatores:  
 quia hunc adventum Christi suam praesentiam approbabit, &  
 diu expectatum diem atque adventum laeta iubilatione ex-  
 ornabunt. Sicut enim multis votis hunc diem adventus a  
 Deo postularunt ex Apoc. VI. 9. 10. ubi animae interfectorum  
 propter verbum Dei & propter testimonium, quod habebunt,  
 clamant voce magna, dicentes: Usquequo Domine Sanctus &  
 verus, non iudicas & vindicas sanguinem nostrum de his, qui habi-  
 tant in terra: ita etiam laetissimo aspectu hunc exoptatissimum  
 Christi adventum approbabit. (6) ut collaudatores: Nam Apoc.  
 IV, 2. Johannes in spiritu videt Christum in throno iudicii ve-  
 nientem, & 24 assessores & Seniores in circuitu sedentes, qui v. 10.  
 procidebant ante sedentem in throno, & adorabant viventem in se-  
 cula seculorum, & mittebant coronas suas ante thronum dicentes:  
 Dignus es Domine, accipere gloriam, & honorem, & virtutem &c.  
 XXIV. Causa instrumentalis, qua mediante Christus ventu-  
 rus est, in sacris dicitur Nubes. Quod enim Christus venturus  
 sit in nubibus, patet (1) ex expressis scripturae dictis Matt. XXIV.  
 30. Veniet Filius hominis in nubibus caeli cum virtute & maiestate  
 magna: c. XXVI. 64. A modo videbitis Filium hominis sedentem a  
 dextris virtutis Dei & venientem in nubibus caeli. Marc. XIII. 26.*



Tunc videbunt Filium hominis venientem in nubibus cum virtute multa & gloria. Marc. XIV. 62. Luc. XXI. 27. Apoc. I. 7. Ecce venit cum nubibus, & videbit eum omnis oculus & qui eum pupugerunt. (2) ex Angelicis testimoniis Act. I. 11. Viri Galilei, quid statis aspicientes in celum? Hic Jesus qui assumptus est à vobis in celum, sic veniet quemadmodum vidistis eum euntem in celum. Vide- runt autem ipsum ascendentem mediante nube, quia videntibus illis, elevatus est, & nubes suscepit eum ab oculis eorum. v. 9. (3) ex rationibus & quidem. 1. ex nubium appellatione: Dicuntur enim currus Dei Psal. CIV. 3. ponis nubes currum tuum. Si igitur nubes sunt currus Dei, erunt etiam vehiculum Christi, quia Christus etiam verus est Deus. Dicuntur etiam equus Dei Esa. XIX. 1. Ecce Dominus equitabit super nubem levem. 2. Ex adventus triplicis distinctione: Primus Christi adventus factus est in ventre, unde à Spiritu S. vocatur Christus fructus ventris Psal. XXXII. 11. Et Angelus dicit Mariæ Luc. I. 31. Ecce concipies in utero (ventre) & paries Filium: Ecclesia etiam tempore adventus canit:

Veni Redemptor gentium  
 Ostende partum Virginis  
 Miretur omne seculum  
 Talis decet partus Deum  
 Non ex virili Semine  
 Sed mystico spiramine  
 Verbum Dei factum est caro  
 Fructusq; ventris floruit,

Multa similia etiam ex summâ animi gratitudine tempore Nativitatis Salvatori suo concinit. Secundus adventus fit in corde, quia nostrum cor est habitatio & templum Dei, ad quod per verbum & Sacramenta præparatum Christus cum Patre & Spiritu S. divertitur Job. XIV. 23. Ultimus a. Christi adventus futurus est in nube, quia ut primus adventus fuit ignominia, dum in fragili apparuit carne: Sicut etiam Secundus est misericordia, dum ex immensâ dilectione domicilium sibi parat in nostro corde: ita tertius futurus est gloria, quando in gloriosâ apparitu.



riturus est nube. 3. Ex adventus hujus descriptione: Describitur enim ita quod venturus sit cum virtute & maiestate Magna Mat. XXIV. 30. in maiestate sua cap. XXV. 31. &c. Quoties a. Deus gloriam suam hominibus vel Prophetis manifestare voluit, toties domum Domini nube replevit II Paral. V. 13. & alibi.

XXV. Certum autem cum sit, quod Christus mediante nube venturus sit, ejus etiam qualitas cognoscenda. Multi hæc, quæ in sacris de nube dicuntur, metaphoricè explicant, partim de iudicis serenitate, respectu sc. piorum. Sicut enim cælum cum sudum est, serenas ostentat nubes: ita etiam Christus in die ἀπολυτρώσεως & ἀποκαταστάσεως πάντων serenitatem suam nubium beneficio electis ostentabit & illos exhilarabit. Partim de iudicis severitate & implacabilitate, respectu impiorum. Sicut enim ex nubibus grandines & imbres, tonitrua, fulgura & fulmina, nec non alia portentosissima prodigia mittit, quando intolerabilem suam iram & odium erga peccata hominibus ostendit: ita etiam hoc instrumento nubium tunc usus est, quando sulphur & ignem super impios omnesq; Diabolos mittet, quando peccatum penitus extirpabit, omnesq; impios cum Diabolis æternum damnabit. Alii explicant nubem per sanctos, quia dicitur, quod Christus sit venturus cum Sanctis Jude. 15. Sicut Hebr. XII. 1. exempla Sanctorum vocantur nubes testium. Dicuntur autem Sancti nubes, tum propter conversationis sublimitatem Esa. LX. 8. Phil. III. 20. tum propter doctrinæ fecunditatem Job. XXXVI. 27 tum propter spiritualis consolationis utilitatem; Vt enim nubes præstant refrigerium, ita quoq; exempla sanctorum, teste Chryso. super Hebr. XII. Ac quemadmodum a nubibus procedunt pluvie, coruscationes & fulgura: Sic a Sanctis pluvia doctrine, coruscationes miraculorum & fulgura comminationum oriuntur, ut habet Hugo Card. ibid. Verum his omnibus suo loco relictis, melius & tutius est in simplicitate & propinquate verborum manere, & nubem propriè sic dictam intelligere, quod suadet (1) articulo-  
rum fidei collatio. Nam in articulis fidei nunquam sine urgente necessitate à proprietate significationis est recedendum.  
(2) Prophetis prædictio. Dan. VII. 13. Ecce cum nubibus cali quasi  
Filius



*Filius hominis veniebat.* Vbi notes velim præmissam particulam *Ecce*, quæ indicat sæpius rei veritatem, proprietatem, summam; certitudinem, ut in illis *Esa. VII. 14. Ecce virgo concipiet & pariet Filium.* (3) *Christi assertio.* *Matt. XXIV. 30.* (4) *Christi repetitio.* Tum in statu exinanitionis, ubi sæpius hoc ipsum discipulis suis inculcavit, quod in nubibus ad iudicium sit venturus. Jam si Metaphoricum voluisset horum verborum sensum, non tam frequenter re petisset, vel ad minimum una vel bina vice hanc metaphoram indicasset: Tum in statu exaltationis. *Apo. I. 7. Ecce venit cum nubibus & videbit eum omnis oculus.* Sicut autem omnis oculus Christum videbit, ita etiam nube non videbit. (5) *Christi confessio.* Adjuratus enim à Summo Sacerdote tempore passionis hoc modo: *Adjuro te per Deum vivum, ut dicas nobis, si tu es Christus Filius Dei:* Hanc constantem namq; maxime proprijs verbis conceptam omniq; metaphorâ exclusâ de se edit confessionem: *Tu dixisti: Verumtamen dico vobis: A modo videtis Filium hominis sedentem à dextris virtutis Dei.* (6) *Apostolorum testificatio:* *I. Thes. IV. 17. Nos qui vivimus, qui relinquimur, simul rapiemur cum illis in nubibus obviam Domino in aëre, & sic semper cum Domino erimus.*

XXVI. *Materia adventus Christi alia est inquâ nimirum subjectum, ubi Christus in ultimo die est compariturus.* Est autem triplex (1) *communis* nim. *mundus* hic visibilis. Quando enim Christus est rediturus, mundus adhuc est superfuturus, id quod ex omnibus dictis colligitur, in quibus hæc ultimus adventus asseritur. Veniet enim Christus ad nos, nos autem sumus in mundo. Veniet resuscitare mortuos, mortui autem sunt in mundo. (2) *Specialis* Veniet autem Christus in aëre, inque eo suum nobis exhibebit adventum. Hoc enim testatur *Paulus I. Thes. IV. 16. 17. Ipse Dominus cum jubilatione & in voce Archangeli, & in tubâ Dei descendet de celo: & mortui, qui in Christo sunt, resurgent primi: deinde nos, qui vivimus, qui relinquimur simul rapiemur cum illis in nubibus obviam Domino in aëre.* Vbi nostram assertionem confirmat partim jubilitatio, quæ naturaliter ad sui formationem aërem requirit: partim *Christi descensio:* sicut enim in aëre Christus ascendit, & ex oculis disci-

disci-



discipulorum sublatus est, ita etiam in aëre ad iudicium rediturus est: *Partim nostra in nubibus presentatio*: qui rapiemur cum illis in nubibus obviam Domino, nubes autem sunt in aëre: *partim manifesta assertio*: quia Dominus dicitur futurus in aëre, *κυσίς εἰς αἴρα* sc. ὄντ. Nam præpositio εἰς saepe sumitur pro ἐν ut *Matth. II. 23. habitavit εἰς πόλιν* pro ἐν πόλει *Marc. I. 9. Venit Jesus & baptizatus est à Johanne, εἰς τὸν Ἰορδάνην* pro ἐν τῷ Ἰορδάνῃ *Johan. I. 18. Filius, qui est εἰς τὸν κόλπον,* h. e. ἐν τῷ κόλπῳ *Patris &c. (3) Singularis.* Veniet enim Christus in nube *Luc. XXI. v. 27. Et tunc videbunt Filium hominis venientem in nube cum potestate magnâ & Majestate.* Erit a. *illa nubes 1. naturalis.* Miraculis enim ubi non est opus, præter necessitatem nullibi Deus illis usus. Et cum expressè dicatur nubes, etiam vera nubes est intelligenda. 2. *visibilis.* Videbunt enim non tantum Filium hominis, sed etiam eundem in nube venientem videbunt. 3. *admirabilis,* tum propter *sessorem,* quia is dicitur *admirabilis Judic. XIII, 18 Esa. IX. 6.* tum propter *splendorem,* qui omnes gentes capiet in stuporem & admirationem 4. *Terribilis* respectu impiorum. Sicut enim nubes surgentes & tonitrua & fulgura mittentes impiis sunt terrori; ita maximum terrorem hæc nubes omnibus reprobis creabit. 5. *Salutaris.* Sicut enim nubes solent fecundare terram & bona multa conferre hominibus: ita tunc nubes ista veram afferet felicitatem & omnium bonorum cumulum conciliabit.

XXVII. *Alia est ex quâ,* quæ cum propriè non detur in adventu, neque in Christi adventu locum habebit. Loco tamen ejus tres allegamus terminos, ex quibus adventus hic constare videtur: *Terminus autem triplex est, tum terminus à quo,* unde sit venturus, qui est *caelum,* nam è caelis dicitur rediturus *Actor. I, 11. Hic Jesus qui assumptus est à vobis in caelum, sic veniet* (nimirum è caelo) *quemadmodum vidistis eum euntem in caelum. Phil. III, 20. Conversatio nostra in caelis est, unde etiam Salvatorem expectamus Dominum Jesum Christum.* Sic in Symbolo Apostolico confitemur: *Christum ascendisse in caelum, sedere à dextris Dei & inde esse venturum judicare vivos & mortuos. Tum terminum per quem,* de quo multi scribunt, quod *Christus per orientem caeli plagam sit venturus,* ut *Damasc. l. 4. orthod. fid. cap. 13. Ex oriente*

orientis



*orientali, inquit, celi plagâ Christus ad iudicium venturus. Licet autem opinio hæc sit antiqua, licet etiam in quibusdam ritibus Ecclesiasticis, nimirum in orationibus, in templorum exstructionibus &c. videatur observata, & à multis patribus approbata, non tamen ut infallibilem & authenticam eam asserere & defendere possumus, cum Scriptura hæc de re altum premat silentium. Tum terminus ad quem, de hoc fabulantur Judæi, quod Christus venturus sit usque ad vallem Josaphat, ibique iudicium institurus. Sic enim scribit Galatinus l. 8. de Arcan. c. 15. Omnes ferè Rabbini nemine discrepante dicunt, quod gentes, que jam Judaicum populum in hæc captivitate supprimunt & affligunt, similiter sint propter hoc à Deo in iudicio puniendæ, ad quod probandum illud Joelis adducunt: Congregabo omnes gentes, & ducam illas in vallem Josaphat & disceptabo cum eis super populo meo. Verùm vocē Josaphat Joel. III, 2. Si de iudicio extremo locus intelligatur, non posse proprie explicari, sed appellativè esse accipiendum, svadet (1) *Rei ipsius significatio*, quia significat iudicium Domini. (2) *objecti explicatio*: non enim loquitur de iuda & Jerusalem carnali sed spirituali, alias sequeretur omnes Judæos & Hierosolymitanos cives salvatum iri, quod nemo sanæ mentis asserere poterit. Qualis igitur iuda & Jerusalem intelligitur, talis etiam vallis Josaphat allegatur. (3) *omnium gentium congregatio*. Vallis enim Josaphat tantæ non est amplitudinis, ut omnes possit capere gentes, quotquot fuerunt, sunt & futuræ sunt. (4) *Terræ hujus maledictio*. Maledixit enim Deus terræ Palæstinæ & huic etiam valli Josaphat, ut propterea nullam præ aliis locis possit habere privilegium. (5) *Loci ipsius descriptio*. B. Winckelmannus hanc super h. l. tradit descriptionem: Erat vallis Josaphat sita inter urbem Jerusalem & montem oliveti, per quam interfluebat torrens Cidron, profluens è monte quodam versus meridiem sito ab oriente, in quem confluebant omnes sordes ex plateis Hierosolymitanis, item aquæ ex piscinâ siloâ, in quâ lavabantur ov. s sacr. ficiis destinata, & præterea etiam aqua templi, quæ sanguis victimarum abluebatur, eo per canales subterraneos derivata: Unde propter sordium confluentiam & soli*

E pingue-



pinguicinem, torrens ille Cidron, i. e. ater appellabatur. Dicitur cre-  
ditur Vallis Josaphat propter memorabile factum Josaphat ibi patri-  
um. Habuit etiam nomen vallis filiorum Hinnon, in qua fuerat  
positum olim idolum Moloch, cui Judei idololatra comburebant filios  
& filias magno ejulatu. Unde Gehenna nomen sortita est. Hæc ille.  
Cum igitur hic locus sit inter urbem Jerusalem & montem  
oliveti, satis est angustus, nec poterit esse receptaculum omni-  
um gentium. Cum etiam sit vallis filiorum Hinnon, Chri-  
sto est execrabilis, adeoque nequaquam suum ibi celebrabit  
adventum. Nos potius nostram fatemur ignorantiam, & lo-  
ci hujus adventus scientiam soli Christo relinquimus: Nam  
ut tempus sibi soli servavit, ita etiam locum hætenus nulli re-  
velavit.

XXVIII. Alia est circa quam nimirum objectum. Hoc au-  
tem duplex est. 1. Personale & vel Angelicum. Veniet enim Chri-  
stus non tantum ad judicandos homines sed etiam Diabolos.  
Hi enim cum in veritate non steterint Job. VIII, 44. neque origi-  
nem s. principatum suum servaverint, sed domicilium suum relique-  
rint, in judicium magni diei vinculis æternis hætenus sunt reservati  
Jude v. 6. adeoque Christus etiam contra Diabolos veniet, eos-  
que maximo terrore percutiet, maximâ ignominia afficiet, &  
æternâ condemnatione puniet. Nam contremiscunt præti-  
more, quoties nomen Jesu audiunt, Jacob. II, 19. hinc etiam  
præsummo timore arbitrabantur Christum etiam in diebus  
carnis suæ jam venisse, ut eos torqueret ante tempus Matth. VIII,  
29. In quem locum sic commentatur Hieronymus: Sicut fugitivi  
servi post multum temporis Dominum suum videntes, nihil aliud nisi  
de verberibus deprecantur: sic & Dæmones videntes Dominum in  
terris de repente versari ad judicandum se venisse credebant (præ-  
sentia enim Salvatoris tortura est Dæmonum) ac sollicitè ro-  
gant, ne imperet illis ut in abyssum abeant. Si igitur tunc tem-  
poris tanto timore & angore fuere perculsi, quid futurum est  
in judicii die. Si tantopere timuerunt Dominum in humi-  
litate, quanto magis futurum est istud, quando venturus est  
potestate & majestate.

XXIX.



**XXIX.** *Vel humanum* nim. homines & quidem in univer-  
 sum omnes, sive sint vivi sive sint mortui, sive pii, sive impii.  
 Veniet enim ad omnes (1) *resuscitatione*: quia omnes defun-  
 ctos resuscitabit Job. V. 28. Veniet hora, in qua omnes, qui in mo-  
 numentis sunt, audient vocem Filii hominis & prodibunt, qui bona  
 fecerunt in resurrectionem vite: qui mala egerunt in resurrectionem  
 iudicii. Et licet multi adhuc vivi sint superfuturi, tamen in  
 ipsa immutatione, aliquid analogon mortis & resurrectionis  
 futurum est. Ita enim scribit Paulus I. Cor. XV. 51. Ecce my-  
 sterium vobis dico. Non omnes quidem obdormiemus, omnes tamen  
 immutabimur. Chrysostomus super b. l. hom. 42. in l. ad Corinth.  
 Venerandum & arcanum quiddam, & quod non omnes norunt esse  
 dicturus. Quid autem hoc est? omnes quidem non obdormiemus,  
 omnes autem immutabimur. Hoc est autem quod dicit, non omnes  
 quidem moriemur, omnes autem immutabimur, etiam qui non mo-  
 riuntur, nam illi quoque sunt mortales. Ne igitur, quoniam mori-  
 eris, propterea inquit timeas, tanquam non resurrecturus. Sunt  
 enim aliqui qui hoc effugient, & tamen hoc eis non sufficit ad illam  
 resurrectionem, sed oportet illa quoque corpora, que non moriuntur,  
 immutari & transire ad corruptionem. Et postea: Mortui re-  
 surgent incorrupti & nos immutabimur. Illud Nos non dicit de se-  
 ipso, sed de ijs, qui tunc inveniuntur viventes. (2) *congregatione*:  
 quia coram tribunali Christi congregabuntur omnes gentes  
 Mat. XXV. 32. (3) *Præsentatione*: nam quoad præsentationem  
 omnes erunt coram tribunali Christi, Rom: XIV. 11. omnes siste-  
 mur ante tribunal Christi, scriptum est enim, Vivo ego dicit Dominus,  
 quoniam mihi flectetur omne genu & omnis lingua confitebitur Deo  
 II. Cor. V. 10. Omnes nos manifestari oportet ante tribunal Christi.

**XXX.** II. Reale est partim totus mundus, qui in adventu Do-  
 mini liberabitur à veritate, ab abusu multiplicitate, à servi-  
 tutis tyranni de. Rom. VI 11 19. Expectatio anxia creatura revela-  
 tionem filiorum Dei (adeoque ipsum Christi adventum) expectat.  
 Vanitati enim creatura subjecta est, non volens, sed propter eum,  
 qui subiecit eam in spe, quia & ipsa creatura liberabitur à servitute  
 corruptionis, in libertatem gloria filiorum Dei. Partim cogitatis  
 diebus



dicta & facta hominum. Cogitata I. Cor. IV. 5. Nolite ante tempus judicare, quousq; veniat Dominus, qui & illuminabit abscondita tenebrarum & manifestabit consilia cordium. Dicta: Mat. XII. 25. Dico vobis, quoniam omne verbum ociosum, quod locuti fuerunt homines, reddant rationem de eo in die judicij. Facta Eccl. XII. 14. Cuncta, quae sunt, adducet Deus in iudicium etiam omne occultum sive bonum sit sive malum. Apoc. XX. 12. Vidi mortuos magnos & pusillos, stantes in conspectu throni Dei & libri aperti sunt: & alius liber apertus est, qui est vita & iudicati sunt mortui ex his, quae scriptae erant in libris, secundum opera ipsorum. Vid. Juda Epist. v. 14. &c.

XXXI. Quod Formam concernit, ea nullibi melius & nullibi veriùs describitur, quam in S. literis. Hâc vice assumimus illud dictum, quo nervose ipse Salvator, Dominus hujus adventus, suum reditum voluit describere Mat. XXIV. 30. Tunc apparebit signum Filij hominis in caelo, & tunc plangent omnes tribus terrae, & videbunt Filium hominis venientem, in nubibus caeli cum virtute multa & Majestate. Consistit autem forma (1) in apparatu. In praecedentibus varia de hoc adventu iudicia allegaverat, siquidem apparatus hic alius est remotus, qui consistit in signis remotis ut sunt haeresium multiplicatio v. 5. 11. 23. Totius orbis per bella, seditiones, pestilentias & terrae motus conturbatio v. 6. 7. 8. Horribilis piorum persecutio v. 9. 10. Supina securitatis & projectae impietatis inundatio atq; extrema morum depravatio v. 12. Universalis per totum orbem Evangelij praedicatio v. 14. Antichristi abominatio & revelatio v. 15. variorum signorum observatio, tum supra nos, partim in sole, partim in luna, partim in stellis, partim in caelo v. 29. tum intra nos, maxima pressura & angustia v. 19. maxima turbatio v. 6. magna offensio & seductio v. 9. 10. tum circa nos, bella, pestilentia & fames v. 7. Pseudo Prophetarum signa magna & prodigia v. 24. Tum infra nos, terrae motus v. 7. quò pertinet etiam maris & fluctuum sonitus Luc. XXI. 25. Alius est proximus. Tunc apparebit signum Filij hominis in caelo. De hoc signo quid sit sentiendum, nostrum cogimur sopprimere iudicium, quia de adventu Christi ultimo ejusq; formâ pleraq; latere, paucissimè



paucissima patent. Interim notemus hic diversas Doctorum sententias, quia tutius & facilius est aliorum opiniones recensere, quam certi quippiam definire. Per hoc *signum* intelligunt (1) Alij *ipsum Filium hominis*, tanquam signum certissimum ejus adventus, sicut *signum circumcisionis* scriptura usurpat, pro ipsâ *circumcisione Rom. IV. 11.* quia in scripturis novum non est *Christum* vocat *signum Esa. VII. 14 Luc. II. 34.* (2) *Origines tract. 30. in Matt.* ipsam *Christi redeuntis majestatem & gloriam* ligni loco futuram arbitratur. (3) *Alij Filium hominis signatum* i. *corpus Christi vulneribus signatum* ex *Zach. XII. 10. Apoc. I. 7.* (4) *Alij specialem quandam claritatem, & radium quendam igneum*, qui immediatè *Christi adventum* sit præcessurus, & in momento per univèrsum orbem sit transiturus (5) *Hieronymus in Comm. super h. l. aliquod vexillum victoria triumphantis*: cui affinis est sententia *Cbrystostomi hom. de cruce & lairone*: *Sicut imperatorem regalis pompa præedit, & militaris ordo præeundo vexilla humeris portare consu. verunt & his ejus declaratur adventus: Sic Domino de celo veniente angelorum cætus & Archangelorum multitudo illud signum portant humeris extelsis & Regalem nobis adventum nunciant.* (6) *Alij signum pro significatione accipiunt, ut Marlorat. super h. l. q. d. his prodigijs fideles admonébuntur ut Filium Dei expectent è celo.* (7) *Alij ita explicant, quod Christus de nunciet, se ultimo illo adventu palam emeritum, ut cælesti potentiâ præditus quasi signo in sublime erecto ad se convertat totius mundi intuitum, sicut principes seculi in pugnam egressuri signa proferunt, ad quæ milites spectent.* (8) *Pleriq; veterum accipiunt de signo crucis, quod cum summâ claritatè, sole & lunâ obscuratis, in celo appariturum statuunt.* (9) *B Hunnus de stellâ quadam inusitatâ, sicut stella Magorum in adventu primo apparuit. Nos hic malumus in *ἐπέχεν. II. in objecti statu. Tunc plangent omnes tribus terræ. III. in ipso adventu, qui erit tum velocissimus. Sicut fulgur exit ab oriente, & apparet usque in occidentem, ita erit & adventus Filij hominis: tum inopinatissimus, quia fulgur ex improvise venit, ita etiam adventus talis erit: tum manifestissimus: Videbunt oculis sc.**



corporis, quia visibiliter apparebit: tum gloriosissimus: partim propter adventus Dominum, qui erit Filius hominis: partim propter adventus thronum: Veniet in nubibus: partim propter adventus comitatem: cum virtute multâ h. e. cum potentissimis Spiritibus, Angelis *cap. XXV. 31.* partim propter gloriae cumulum, quia cum multâ maiestate veniet.

XXXII. *Finis* adventus Christi est multiplex (1) *Hominum resuscitatio.* (2) *Hominum congregatio, presentatio & separatio* *Mat. XXV. 34.* (3) *Hominum judicatio.* (4) *piorum absolutio.* *Mat. XXV. 34.* (5) *impiorum condemnatio v. 41.* (6) *Mundi cor flagratio* *II. Pet. III. 10.* (7) *impiorum in infernum detrusio* *Matt. XXV. 46.* (8) *piorum in caelum translatio, ibid.* (9) *plenaria mortis abolitio* *Esa. XXV. 8. Os. XIII. 14. 1. Cor. XV. 26. 54.* (10) *regni Christi in Patris manus traditio* *1. Cor. XV. 24. 28.* De his alij alibi tractant, nos hâc vice solam adhuc proponimus definitionem: *Adventus ad iudicium est Jesu Christi Ἰεσὺς Χριστὸς & reditus, quo definito Dei consilio cum omnibus Sanctis Angelis è caelis in nubibus visibiliter & gloriè ad iudicium universale est venturus* Et tandem finali scripturae sacrae voto finalem hujus disputationis thesin claudimus & obsignamus: *Etiam veni Domine Jesu: Gratias Domini nostri Jesu Christi sit nobiscum omnibus. Amen.*

SOLI DEO GLORIA.







**U**Na dies restat, supremaq; meta laborum,  
Creditor adventus proximè adesse DEI.  
Non hoc Pierides norunt, non doctus Apollo,  
Non hoc Castalidum flumina lassa sonant.  
Sed facer hoc Codex, & lucida Patris imago  
*Christus* venturum suggerit ipse brevi.  
Ah! precor, ò JESU, nos dignos effice, ad illum,  
Prompta tibi semper corda & aperta para.  
Per te, *Christe*, salus nobis reddenda redemptis,  
Quos supra nubes & super astra vehes.  
Hæc dum, FABRICI, iucundo differis ore,  
Applausum ingenij divitis inde feres.

*Fautori suo & amico honorando  
scrib gratulab.*

M. Jacobus Reichman  
S. W. C.

---

AD

*Virum Clarissimum,*

DN. M. JOHANNEM FABRICIUM  
De Adventu Christi Ultimo Disputantem  
scribebam.

JOSUA ARNDIUS

**C**Haos pudendum FABRICI, & fluens moles  
Informis illa, tetra tot stygum rivis,  
Quot junxit usquam dira vis, & immisit  
In Unitatem simplicis Dei cultus

*Nibi*



15  
Nihil minatur, nilq̄, parturit, prater  
Mox incubantem seculo horridam noctem,  
Quâ primus orbis involutus, emerfit  
In tam coruscâ mentis edita lucem,  
Ut vincat astra, siderumq̄, fulgorem,  
Ad usq̄, sedes intimas Deo, scandat  
Nunc alitiori plenus ambitu Mundus  
Se tendit ultrâ, mox repente casurus,  
Fidemq̄, ridens, naufragam Fidem gestat.  
At Tu jehovam termines mari dantem,  
Terræq̄, toti Filium, ô Pium NOMEN,  
Et disputa sic, perenne lateris  
Et crede sic, ne terre aris ADVENTU.  
Nam scire multa, non dat ætheri leges.  
Sed credidisse firmiter, facit civem.

ANNO MD LXXII.  
Mens. VIIIbr. a. d. XVI.

---

**E**X libris iterum sacris mysteria promissis,  
FABRICI, nodos solvis & arte sacrâ?  
Maçte tuo ingenio! Satis sic elucet acumen,  
Mentis, divinæ Palladis igne calens.  
Non opus est laudes tantum diffundere in æquor  
Illius, quem sic nobile laudat opus.  
*Eruditione Clarissimo, humanitate Charissimo  
Amico apposuit qui debuit  
Comens.*  
M. Gerhard Mohrman,  
Hamb.

coll. des. v. 155, misc. 7